

Lajčák u Tokiju: Pojačati napore na ispunjenju prioriteta PIC-a



Visoki predstavnik i specijalni predstavnik EU, Miroslav Lajčák, danas se u Tokiju susreo sa zamjenikom ministra vanjskih poslova Japana, Shintaro Itom, i visokim službenicima ministarstva. Predočio je trenutačnu političku situaciju u BiH i naveo pomake koje je ova zemlja načinila u pogledu ispunjavanja pet uvjeta i realizacije dva cilja koje je postavilo Vijeće za provedbu mira u februaru ove godine. Vodeći političari još uvijek nisu postigli sporazum po pitanju podjele državne imovine i pitanju rješavanja statusa Brčkog. Njihovo izazivanje nacionalističkih tenzija i pozivi za unilateralnu promjenu ustavne strukture kao i neispunjavanje prioriteta za tranziciju OHR-a u ured EUSR-a će biti teme sljedećeg sastanka Upravnog odbora PIC-a.

Visoki predstavnik i specijalni predstavnik EU je ponovio stajalište da je EU perspektiva ključni strateški prioritet za Bosnu i Hercegovinu. "Napredak u evropskim integracijama, zajedno sa članstvom u NATO-u, Bosni i Hercegovini i njenim građanima daje stabilnost, sigurnost i kvalitetnu budućnost," rekao je Lajčák.

Visoki predstavnik i specijalni predstavnik EU, Miroslav Lajčák, pozdravio je opredijeljenost Japana da pomogne BiH i zahvalio za dosadašnju pomoć.